

天心星潘頓保帥權



「澤心星」喺周三夜賽由莫雷拉取勝，同家族馬嘅「天心星」(圖前駒)，今周末由潘頓出戰第九場三班一千米直路賽，呢系馬向以鬥志鮮明見稱，且一系列馬都有番咁下質素，所以經常為各大師傅覬覦對象。「澤心星」及「天心星」雖然放喺兩個唔同倉口，但馬主都喜歡用潘頓為主帥，「澤心星」上季兩捷，其中一仗就係用潘頓建功，今季馬房安排佢第一次上陣，因為潘頓受傷騎唔到而用上莫雷拉，結果一樣可以贏馬，而且過程輕鬆，呢隻馬策騎會唔會俾雷神贏馬後搶到仲係後話，潘頓可能聞到味，養傷期間，佢立刻睇番住呢系馬，希望唔好流入莫雷拉手中。

上周末就有一個咁嘅鏡頭，潘頓文裝入

姚本輝個倉探班，馬房手足口痕問近況，潘頓指入完倉就會到馬會指定保健中心灰傷勢，假如一切無問題，相信嚟緊呢個賽馬日即今次周末賽事可以復出。大家細心睇下，醫生都未睇，佢個心就掛住入姚本輝馬房睇隻「天心星」，由呢個動態可以知道，潘頓一早心中已惦念呢隻「天心星」。當然，假如姚本輝亦都係緊張嘅話，知道潘頓因傷未必可以上陣，大可搵莫雷拉替呢隻馬搏殺，又假如莫雷拉真係成功替呢隻馬取勝嘅話，幾可肯定呢系馬帥權有九成以上嘅機會轉俾雷神。

今次潘頓有機會力保「天心星」帥權，雖然初步成功，不過，仲要睇埋第二步，第二步係乜？自然係贏馬交成績，正所謂珠玉在前，莫雷拉之前

隻「澤心星」出嚟，幕後當然開心，相反潘頓呢次跑隻「天心星」一有差池，下次你估姚本輝點部署，即使未必關練馬師事，馬主亦有可能建議用莫雷拉，呢一次「天心星」由潘頓披甲上陣，為名、為利，必然力拚到底，由於同場惡馬唔少，料呢隻馬熱極亦會有分頭，值得一博。



超凡夢想龍城勇將



第五場「好好分」今季初出立即在四班二千米跑獲亞軍，七歲老馬拚後相隔兩周再上征途，必有決心打開勝門。「威祥」開鑼日在二千米後上爆冷掄元，此駒狀態一起往往可以維持一段時間，好似前季曾經打疊贏馬，上季尾亦曾連續四仗上名，所以勝後升班再戰仍然有權再下一城。

第六場「創基寶」剛周日季內初出大幅縮程跑泥地二千米亦追獲殿軍，可見狀態來得早，今仗增程跑一哩更合腳法，有力補中。「勁勇威龍」唯一頭馬在此程取得，今季開操後兩試泥地大闊才安排上陣，看部署有決心一出即砌。

第七場「超凡夢想」開鑼日在嫌短的二千米亦跑獲季軍，熱身後增程二百米角逐更合腳法，有力坐正。「縱橫大地」上季尾初跑千四米以勁勢追獲亞軍，反映路程必合腳法，今季初出又吼此程上陣，應不會無的放矢。

第八場「龍城勇將」出賽至今九戰僅一仗不上名，其中今季開鑼日憑新鮮感縮程跑直路賽輕鬆甩對手，今仗重返強項路程，有力添食。「有醒」上季十三戰僅一次無獎金收，亦屬忠心肯拚之輩，其中上

季初亦曾勝出同程，不妨加入考慮。

第九場「金獅福將」曾經一度因為健康問題差點退役，幸好其後養回健康，並於上季尾出戰直路賽重新取得頭馬，質高分子難得養回必定可拚則拚，以免健康一旦再出問題就無法再爭功，鬥志鮮明有力爭取跨季孖寶。「天心星」過去兩季初出均贏直路賽，可見係休出特佳之馬，埋門試大闊受困都跑第四，有力量溫美夢。

第十場「藍天飛馬」上季兩捷全在千四米取得，季尾階段由於曾經停課狀態未復十足越跑越差，落第賽績不能作準，今季開操狀態來得早，埋門試大闊掄元，幕後擺明車馬要一出即拚。「辣得很」乃三班千四米的班際紀錄保持者，埋門試大闊輕勝而回，狀態已勇當然不會袖手旁觀。

無虛發六環彩提供 可作孖寶提供

第五場	⑧	好	好	分	⑩	威	祥
第六場	①	創	基	寶	②	勁	勇威龍
第七場	⑨	超	凡	夢想	③	縱	橫大地
第八場	⑥	龍	城	勇將	⑧	有	醒
第九場	②	金	獅	福	④	天	心
第十場	④	藍	天	飛	⑤	辣	得

搵銀天皇朝氣勃勃



畢琦

本報名家孖三丁提供

第三場

包勝利

馬成功

郭旭

晨光

無虛發

特快服務

無虛發

包勝利

馬成功

郭旭

晨光

無虛發